

იგოეთში ახალი საბავშვო ბაღი შენდება

16 ნოემბერი 2020

კასპის მუნიციპალიტეტის სოფელ იგოეთში საბავშვო ბაღის მშენებლობა მიმდინარეობს. პროექტს ადგილობრივი თვითმმართველობა ახორციელებს, რაზეც 700 000 ლარამდეა განსაზღვრული. პროექტი გარდამავალია, შესაბამისად 60 ბავშვზე გათვლილი საბავშვო ბაღი მომავალი ახალი სასწავლო წლიდან შეძლებს აღსაზრდელების მიღებას. აღსანიშნავია, რომ სოფელში აქამდე სააღმზრდელო დაწესებულება არ იყო და ბავშვებს სამთავისის საბავშვო ბაღით უწევდათ სარგებლობა. გარდა იგოეთისა, საბავშვო ბაღების მშენებლობა მიმდინარეობს საგურ მეტეხსა და გრაკალში.